



Adresa: Kočeva br.3
72 000 ZENICA

Tel/Fax:032/406-333

Email:udruzenje.poslodavacazedo@gmail.com
1610000122970015 Raiffeisen bank

GRUPACIJA POSLODAVACA ZE-DO KANTONA

Poštovani,

Pozivamo Vas na sastanak Upravnog odbora Grupacije poslodavaca Zeničko-dobojskog kantona pri UPFBiH u **utorak, 14.02.2017. godine u 12:00h u Nacionalnom restoranu Salčinović Zenica, Crkvice**. Predviđeno vrijeme trajanja sastanka je od **12:00 do 13:30 h**, a nakon sastanka, planiran je ručak.

Dnevni red sastanka:

- 1) Izvještaj o radu predsjednika i UO za 2016. godinu
- 2) Izbor članova u ESV ZDK
- 3) Plan rada Grupacije poslodavaca ZE-do kantona za 2017. godinu
 - a. Usvajanje finansijskog plana za 2017. godinu,
 - b. Odluka o visini članarine Udruženju poslodavaca u FBiH - predstavljanje Tarife i načina plaćanja za 2017. godinu.
- 4) Zakazivanje skupštine Grupacije poslodavaca ZE - DO kantona 09.03.17.
- 5) Davanje preporuke za rad Grupacije poslodavaca za 2017. godinu
- 6) Izbor i verifikacija Sekretara Udruženje poslodavaca ZE-DO kantona
- 7) Razno

Molim vas da potvrdite prijem maila i dolazak na sastanak.

S poštovanjem,

Lana Šabani, sekretar Grupacije poslodavac ZE-DO kantona

udruzenje.poslodavacazedo@gmail.com tel: 032 406 333

Materijal za sjednicu po tačkama se nalazi u nastavku ovog dopisa:

I Izvještaj o radu UO za 2016 godinu:

Učešće, te javnih nastupi Udruženja poslodavaca ZE-DO kantona,

- a. Učestvovanje u press konferencijama koje su organizovali lokalni mediji i mediji na nivou BiH,
 - a) Gostovanje predstavnika Grupacija poslodavaca ZDK, te predstavljanje u emisijama Jutro za sve TV1, RTV Zenica, novinsko oglašavanje Avaz, Fenanovinska agencija, Mi-agencija, Antena Radio Jelah, Zenicablog, ZDK – Bindex, Magazin plus Visoko i drugi.
1. Organizovanje i učešće na seminarima međunarodnog i regionalnog značaja
 2. Konsultantske aktivnosti Udruženja
 3. Novogodišnji prijem za članove Udruženja poslodavaca Federacije od strane UP poslodavaca ZDK,
 4. Izvještaj o aktivnostima Grupacije poslodavaca prema zakonodavnoj i izvršnoj vlasti svih nivoa – upućni prijedlozi, inicijative itd.
 - Prijedlog Zakona o privrednim društvima,
 - Izmjene i dopune Zakona o stečajnom postupku FBiH,
 - Prijedlog Zakona o izmjenama i dopuna Zakona o turističkim zajednicama i unaprijeđenju turizma u FBiH,
 - Prijedlog Zakona o izmjenama i dopunama Zakona o registraciji poslovnih subjekata,
 - Prijedlog Zakona o izmjenama i dopunama Zakona o inspekcijama,
 - Nacrt Zakona o porezu na dobit,
 - Nacrt Zakona o radu FBiH,
 - Zakon o izmjenama i dopunama Zakona o registraciji poslovnih subjekata u FBiH,
 - Nacrta Zakona o sigurnosti i zdravlju na radu,
 - Nacrt Zakon o uvezivanju staža,
 - Prijedlog za pokretanje inicijative za izmjene i dopune Zakona o računovodstvu i reviziji,
 - Prednacrta Zakona o penzijskom i invalidskom osiguranju,
 - Prednacrta Zakona o organizaciji zavoda za PIO/MIO,
 - Prednacrt Zakona o preuzimanju finansiranja neizmirenih doprinosa za penzijsko i invalidsko osiguranje za osiguranike zaposlene u privrednim društvima sa većinskim državnim kapitalom, javnim preduzećima i ustanovama u Federaciji BiH u periodu 01.04.1992. – 31.12.2014 godine (Zakon o uvezivanju staža).
 5. a) Izvještaj o održanim sastancima s resornim ministrom Ministarstvo za rad, socijalnu politiku i izbjeglice ZDK g. Nurdehan Šahinović - izvjestilac Sedžida Beganović I.
 - b) Izvještaji o sastancima s načelnicima Općina u ZDK: Kakanj, Zenica, Zavidoviće, Maglaj.

Prilikom tih sastanaka pored upoznavanja sa novoizabranim načelnicima, uz iskazane čestitke na izboru, teme sastanka su bile sljedeće:

1. Upoznavanje sa Udruženjem poslodavaca FBiH, te sa programom rada UP FBiH,
2. Stvaranje povoljnijeg ambijenta za razvoj poduzetništva i zapošljavanja na područje općina uz prezentaciju iskustava drugih lokalnih zajednica na području ZE-DO kantona i šire,
3. Ukidanje svih parafiskalnih nameta i administrativnih barijera koje bitno utiču na poslovanje i razvoj poduzetništva i investiranje na području općina,
4. Podrška poslodavcima sa područja navedenih općine po različitim osnovama
5. Prezentacija mogućnosti i potreba općina za nove investicije.
6. Diskutovalo se o ključnim pitanjima postojećeg stanja privrede, te razmijeni ideja u pogledu budućeg razvoja općina. Zaključeno je da je potrebno je intenzivirati učestvovanje u projektima u svrhu podrške lokalnom i regionalnom razvoju koji će doprinosti razvoju društva kroz vidljivo pozitivne efekte u različitim oblastima – privreda, industrija, kultura, sport, mladi, socijalna zaštita, i zaštite okoliša. Istaknuta je potreba saradnje između predstavnika vlasti na svim nivoima, nevladinog i realnog sektora. Oni moraju da djeluju jedinstveno. Potrebno je ukloniti prepreke za investicije, jačati konkurentnost i transparentnost rada, te otvoriti mogućnosti ka budućim procesima koordinacije prilikom donošenja odluka i sprovođenja istih.

U prilog navedenih aktivnosti su i sljedeći izvještaji:

Izvjestilac Sedžida Beganović I. - 28.11.2016. godine održan sastanku u općini Zavidovići u Kabinetu općinskog načelnika održan je sastanak Udruženja poslodavaca FBiH, Grupacije poslodavaca ZE-DO kantona i općinskog načelnika, Hašima Mujanovića. Sastanak je održan na prijedlog i inicijativu općinskog načelnika a cilj je unaprijeđenje poslovnog ambijenta na području općine Zavidovići što bi za krajnji rezultat trebalo imati poboljšanje kvaliteta života svih stanovnika općine Zavidovići. „U narednom periodu imam namjeru da intenzivno razvijam saradnju sa privrednicima, institucijama, organizacijama i fondacijama. Svaki uspjeh naših privrednika znači i stabilnost i razvoj lokalne zajednice. Iz tog razloga trebamo svi težiti razvoju privrede i privredne stabilnosti“, rekao je općinski načelnik, Hašim Mujanović. Na sastanku se razgovaralo o prijedlozima, problemima i trenutnom stanju privrede u našem kantonu i općini Zavidovići. Privreda i rad Općine mora biti povezana i mora biti čvrsta veza i saradnja za iznalaženje rješenja za postojeće probleme po pitanju zapošljavanja i razvoja općine. Općinski načelnik, Hašim Mujanović izrazio je spremnost za saradnju i svaki vid podrške za razvoj privrede i unapređenje naše općine.

Izvjestilac Sedžida Beganović I. - 16.12. 2016.godine: U uredu načelnika Općine Kakanj Nermina Mandre je upriličen prijem za delegaciju Grupacije poslodavaca Zeničko-dobojskog kantona koju su činili Ibrahim Meškić (Minex Trade), predsjednik Grupacije, i članovi Upravnog odbora Grupacije Izudin Neimarlija (Tvornica cementa Kakanj), Mensur Mehmedagić (“Kokos” Visoko), Džemal Rošić (Babić-Bisstours) i Edin Beganović (Agroekonomik Zenica), te službenica u stručnoj službi Grupacije Sedžida Beganović-

Isaković. Na prijemu se razgovaralo o intenziviranju saradnje između Općine Kakanj i Grupacije, te o modalitetima poboljšanja privrednog ambijenta u Kakanju.

Prijemu su prisustvovali i Mensur Muftić, predsjednik Udruženja poslodavaca "Centar za podršku biznisu" Kakanj (UPOK), Edin Bjelopoljak, sekretar UPOK-a, Mirza Fazlić, šef Službe za privredu, urbanizam i zaštitu okoline i Džihad Berbić, Šef Službe za finansije Općine Kakanj.

Izvjestilac Lana Šabani - 26.01.2017. godine u 12h je održan sastanku u općini Maglaj sa g. Mirsadom Mahmutagićem. Akcenat je stavljen na analizu postojećeg stanja privrede, te razmijeni ideja u pogledu budućeg razvoja općine Maglaj i šire. Potrebno je intenzivirati učestvovanje u projektima u svrhu podrške lokalnom i regionalnom razvoju koji će doprinosti razvoju društva kroz vidljivo pozitivne efekte u različitim oblastima – privreda, industrija, kultura, sport, mladi, turizam, socijalna zaštita, i zaštite okoliša. Istaknuta je potreba saradnje između predstavnika vlasti na svim nivoima, nevladinog i realnog sektora. Potrebno je ukloniti prepreke za investicije, jačati konkurentnost i transparentnost rada, te otvoriti mogućnosti ka budućim procesima koordinacije prilikom donošenja odluka i sprovođenja istih. Iako se općina Maglaj susreće sa poteškoćama, ovo predstavlja nužnost ka budućem uspješnom razvoju općine. Predstavnici poslodavaca i načelnik općine sa saradnicima su saglasni da općina Maglaj zaslužuje bolji tretman kada je u pitanju raspodjela fiskalnih sredstava po osnovu indirektnih poreza i drugih prihoda koji se raspoređuju sa viših nivoa vlasti, s obzirom da je poslije rata izgubila pola teritorije i stanovništva i da je bila zapostavljena i zaobiđena od investitora dugi niz godina. Zaključeno je da je potrebno poduzeti mjere za unapređenje poslovne okoline za privlačenje investitora, u čemu je značajan državni okvir, ali i okvir industrije i profil potencijalnih kako domaćih tako i stranih investitora. U pogledu toga dogovorena je razmjena podataka u vezi profila firmi općine Maglaj i njihovih aktivnosti, te uspostavljanja redovnih razmjena informacija i konsultacije kada su u pitanju novi projekti, resterećenje privrede i sl. Istaknuto je da su ovo samo početni koraci ka izgradnji boljeg položaja privrednika i stvaranja mogućnosti za sigurnu budućnost narednih generacija.

Tačka II –ESV ZDK

U pogledu formiranje Ekonomsko-socijalnog vijeća (ESV)ZDK:

- Izvjašnjavanje, sugestije i prijedlozi na dostavljeni Nacrt Sporazuma o osnivanju Ekonomsko-socijalnog vijeća, dostavljenog na prijedlog Ministarstva za rad, socijalnu politiku i izbjeglice,
- Usvajanje i verifikacije navedenog Sporazuma,
- Izmjene članova u skladu sa prijedlogom Sporazuma o osnivanju Ekonomsko-socijalnog vijeća.

III Plan rada - Predstavljanje planiranih aktivnosti kao i delegiranje pitanja za Program rada Grupacije za 2017. Godinu

1. Usvajanje finansijskog plana za 2017. godinu,
2. Odluka o visini članarine Udruženju poslodavaca u FBiH - predstavljanje Tarife i načina plaćanja za 2017. godinu,
3. Prezentovanje Izvještaja o finansijskom poslovanju za 2016. godinu uz napomenu da Udruženje poslodavaca ZE-DO kantona nije imalo troškova niti prihoda za 2016. godinu, te su sve finansijske transakcije izvođene preko starog računa Udruženja. Shodno tome, buduće prihodi i rashodi će biti regulisani preko transakcijskog računa Grupacije.

IV - Zakazivanje Skupštine Grupacije poslodavaca ZDK

4. Zakazivanje skupštine Grupacije poslodavaca ZE -DO kantona
5. Zakazivanje termina za održavanje redovnih skupština

V - Analiza i davanje preporuke za rad Grupacije u 2017. godini - prijedlozi

1. Rad na povećanju članova . Informisanje članstva i javnosti, putem, web stranice, društvenih mreža, elektronskih i printanih medija, sajмова, vlastitog news lettera i sl.
2. Rad na projektima
3. Organizovanje i učešće u profesionalnim edukacijama
4. Rad na izmjenama konkretnih zakonskih rješenja
5. Pokretanje inicijativa za poboljšanje poslovnog ambijenta
6. Saradnja sa vlastima
7. Saradnja s drugim nevladinim udruženjima
8. Zaštita interesa članova u primjeni propisa koji se odnose na djelatnost članova
9. Stručno i poslovno povezivanje privrednika i osnivača preduzeća sa privatnim kapitalom
10. Razmjena iskustava i informacija članova Grupacije, kao i sa drugim naučnim i stručnim radnicima i privrednicima iz BIH
11. Poslovno povezivanje sa privrednim subjektima i institucijama u smislu donošenja i praćenja razvojnih projekata i programa
12. Iniciranje donošenja akata značajnih za rad i privređivanje
13. Organizovanje stručnih i naučnih skupova kao i izdavanje odgovarajućih publikacija, časopisa i drugo
14. Organizovanje seminara i instruktivnih savjetovanja u cilju usavršavanja
15. Formiranje baze podataka radi informisanja članova
16. Zastupanje članova grupacije pred nadležnim institucijama
17. Organizovanje raznovrsnih aktivnosti u cilju unaprijedjenja privrednih i drugih djelatnosti od interesa za Grupaciju
18. Obavlja ostale aktivnosti iz navedenih osnovnih ciljeva i zadataka

VI - Izbor i verifikacija sekretara Grupacije poslodavaca ZDK

Predstavljanje, izbor i verifikacija Sekretara Udruženje poslodavaca ZE-DO kantona. Donošenje odluka o zaključivanju ugovora o novom sekretaru Udruženja - Izvjestilac Ibrahim Meškić

VII – Razno

Prilozi iz tačaka dnevnog reda : Foto dokumentacija:

28.11.2016. godine u Kabinetu općinskog načelnika Zavidovića Hašima Mujanovića održan je sastanak Udruženja poslodavaca FBiH, Grupacije poslodavaca ZE-DO kantona



16.12. 2016. godine u uredu načelnika Općine Kakanj Nermina Mandre je upriličen prijem za delegaciju Grupacije poslodavaca Zeničko-dobojskog kantona

